

MUSIKA

(Nere adiskide Julian Uzia jaunari)

Musika deitzen degu
Pesta danetara,
Erri aundi, ta chiki,
Ta zezenetara:
Baserritarrak ere
Beren billerara,
Au gabe ezindira
Gogoz juan dantzara.

Elizan ere bear
Da soñu ontatik,
Musika gabe, ez da
Meza nagusirik,
Besperak ta gañera
Urte betetzerik,
Ez da bada egiten
Ez bada soñurik.

Aurchoai ere bear
Zaiote lagundu,
Nai bada lotarako
Abek oyeratu;
Eta onetarako
Bear da kantatu;
Orra zenbat gauzetan
Musika dan sartu.

Aserretzen diranak
Iñoiz ñnorekin,
Adiskidetzen dira
Gero musikakin:
Len bekoki illuna,
Gero argiyakin,
Sartzen dira pozturik
Soñu alaiyakin.

Gazteak onek ditu
Dantzan ipiñitzen,
Ezkontzak ere onek
Ditu ekarritzen;
Soñua dan lekuan
Dira ikusitzen
Len aserre ziranak
Adiskide jartzen.

Ontarako ezin det
Geiago itz egin;
Gelditzen naiz musika
Jakin nayarekin;
Baldin izkribatutzen
Banuke utsegin,
Barkatu, ez det egin
Asmo charrarekin.

JUAN IGNAZIO URANGA.